

## **Prilog 4**

### **Pravila o finansijskim korekcijama**

#### **1. OPĆE ODREDBE I DEFINICIJE**

Pravila o finansijskim korekcijama (u dalnjem tekstu: Pravila) propisuju situacije u kojima se primjenjuju finansijske korekcije za projekte koji se financiraju u okviru ovoga Pravilnika. Ovim se Pravilima utvrđuju uvjeti i način na temelju kojih se korisniku, nakon što je Agencija za plaćanja kao nadležno tijelo utvrdila nepravilnost, određuju finansijske korekcije dodijeljenih sredstava.

U postupku utvrđivanja i određivanja finansijskih korekcija primjenjuje se načelo jednakog postupanja prema svim korisnicima bespovratnih sredstava te načelo razmjernosti koje osigurava da svaka primijenjena finansijska korekcija bude prikladna učinjenoj pogrešci.

Podnošenjem zahtjeva za potporu i zahtjeva za isplatu korisnik pristaje da mu nadležno tijelo, u slučajevima i pod uvjetima te na način definiran ovim Pravilima, određuje finansijske korekcije.

#### **2. POSTUPAK ODREĐIVANJA FINANSIJSKE KOREKCIJE**

Finansijska korekcija određuje se nakon provedene administrativne kontrole dokumentacije korisnika i/ili kontrole na terenu te je ista primjenjiva u svim fazama administrativne obrade. Primjena finansijske korekcije može se provoditi i u razdoblju u kojem je korisnik obvezan osigurati trajnost projekta, odnosno tijekom razdoblja nakon konačne isplate.

##### **Agencija za plaćanja ovlaštena je:**

- primijeniti finansijsku korekciju s obrazloženjem nepravilnosti na temelju utvrđenog činjeničnog stanja i/ili
- promijeniti iznos/stopu finansijske korekcije u odnosu na ranije utvrđene nepravilnosti iz prethodne faze administrativne kontrole i to na osnovu naknadnih kontrola Agencije za plaćanja ili nalaza drugih tijela koja obavljaju naknadne kontrole.
- umanjiti prihvatljivi iznos potpore zbog utvrđene nepravilnosti i prije primjene finansijske korekcije

#### **3. PRIMJENA FINANSIJSKE KOREKCIJE**

Primijenjena finansijska korekcija s obrazloženjem sastavni je dio odluka koje donosi Agencija za plaćanja i sadrži:

- opis i oznaku nepravilnosti (u skladu s popisom nepravilnosti koje su sastavni dio ovih Pravila) u odnosu na koju se finansijska korekcija određuje
- naznaku visine (postotak) finansijske korekcije i/ili točan iznos izrečene korekcije (jednostavna finansijska korekcija) kada je nepravilnost moguće izraziti u absolutnom iznosu i
- obrazloženje.

a) Prilikom donošenja odluke o isplati potpore

b) tijekom razdoblja nakon konačne isplate

Ako se tijekom razdoblja nakon konačne isplate utvrdi da korisnik nije ispunio preuzete obveze propisane ugovorom o financiranju, na ukupno isplaćeni iznos sredstava primijenit će se finansijska korekcija za svaku pojedinu obvezu koju korisnik ne ostvari i/ili ispuni.

#### **4. NAČINI IZVRŠENJA**

Izvršenje finansijske korekcije provodi se na sljedeći način:

- umanjenjem prihvatljivog iznosa potpore određenog za isplatu
- zahtjevom za povrat isplaćenih sredstava.

**Tablica 1. Nepravilnosti u kojima se odreduje finansijska korekcija – u fazi kontrole zahtjeva za isplatu i u petogodišnjem razdoblju nakon konačne isplate**

Br.	Nepravilnost	Opis nepravilnosti	Visina korekcije
1.	Smanjena realizacija projekta u odnosu na odobreno	Korisnik je realizirao troškove projekta u vrijednosti manjoj od 50%.	100%
2.	Smanjena realizacija projekta u odnosu na odobreno	Korisnik je realizirao troškove projekta u vrijednosti od 50% do 80%.	5%
3.	Neispunjena obveza preuzeta u sklapanjem ugovora o financiranju*	Korisnik nije ispunio obvezu opropisanu ugovorom o financiranju	100 % na utvrđeni iznos za isplatu za trošak kod kojeg je utvrđena nepravilnost
4.	Trženi iznos u zahtjevu za isplatu je više od 10% veći od prihvatljivog iznosa za isplatu	Ako korisnik u zahtjevu za isplatu potražuje iznos koji je viši od prihvatljivog iznosa potpore utvrđenog u administrativnoj kontroli zahtjeva za isplatu te ako omjer prihvatljivih i neprihvatljivih troškova bude veći od 10 %, Agencija za plaćanja može primijeniti administrativnu kaznu. Administrativna kazna primjenjuje se u iznosu zatraženog neprihvatljivog iznosa. Administrativna kazna se ne primjenjuje ako korisnik može dokazati Agenciji za plaćanja da nije kriv za uključivanje neprihvatljivog iznosa ili ako se Agencija za plaćanja na drugi način uvjeri da korisnik nije kriv.	Ukupan iznos neprihvatljivog troška (prihvatljiv iznos se korigira za ukupno utvrđeni neprihvatljivi iznos)

\* Osim u fazi zahtjeva za isplatu ova korekcija može se primijeniti i u *ex post* razdoblju

